



PROCEDEMENTO DE SELECCIÓN DO ALUMNADO DO OBRADOIRO DE EMPREGO FORME 2022 DO CONCELLO DE VILAGARCÍA

O Concello de Vilagarcía vai desenvolver o **Proxecto de Obradoiro Dual de Emprego FORME 2022**, dirixido as persoas desempregadas inscritas como demandantes de emprego no Servizo Público de Emprego de Galicia que teñan unha idade igual ou superior aos dezoito anos e cumpran os requisitos establecidos na normativa reguladora do contrato para a formación e aprendizaxe.

Serán seleccionados **20 alumnos/as traballadores/as, distribuídos nas seguintes especialidades formativas:**

- **CARPINTERÍA E MOBLE (10 alumnos/as)**
Certificado de profesionalidade NIVEL 1 MAMD0209 e NIVEL 2 MAMS0108 e Módulo profesional de lacados e vernizados MF0167_1
- **ALBANELERÍA E ACABADOS (10 alumnos/as)**
Certificados de profesionalidade NIVEL 1 EOCB0109, NIVEL 1 EOCB0209 e NIVEL 2 EOCB0108

A selección irá precedida da tramitación de oferta de emprego específica pola Oficina de Emprego do Servizo Público de Emprego de Vilagarcía debendo esta observar, como **REQUISITOS MÍNIMOS** que deben cumprir as persoas candidatas preseleccionadas, os seguintes:

- Ter dezoito ou máis anos de idade.
- Estar desempregadas, entendéndose nesta situación ás persoas demandantes de emprego rexistradas no Servizo Público de Emprego de Galicia, que carezan de ocupación remunerada e estean dispoñibles para o emprego.
- Cumprir os requisitos establecidos na normativa reguladora para a formación e aprendizaxe, co obxecto de ter vinculación mediante un contrato de tales características ao obradoiro de emprego, desde a súa incorporación ao proxecto.



- Cumprir cos requisitos de acceso sinalados nos reais decretos que regulan os certificados de profesionalidade de nivel 1 e 2, segundo corresponda.

REQUISITOS FORMATIVOS PARA ACCEDER AO OBRADOIRO DE EMPREGO FORME 2022 DO CONCELLO DE VILAGARCÍA

ORDE do 7 de xaneiro de 2014 pola que se establecen os requisitos formativos para o acceso á formación dos certificados de profesionalidade de nivel 2 e 3 de cualificación profesional e se regulan as probas de avaliación en competencias clave dentro das accións formativas de formación profesional para o emprego na Comunidade Autónoma de Galicia.

“Artigo 2. Requisitos de acceso á formación dos certificados de profesionalidade

1. A Dirección Xeral de Emprego e Formación é o órgano da Consellería de Traballo e Benestar con facultades para comprobar que as persoas aspirantes posúen os requisitos formativos e profesionais para cursar con aproveitamento a formación de certificados de profesionalidade.

2. Para acceder á formación de módulos formativos dos certificados de profesionalidade do nivel de cualificación profesional 1 non se esixirán requisitos académicos nin profesionais.

3. Para acceder á formación dos módulos formativos dos certificados de profesionalidade do nivel de cualificación profesional 2 as persoas aspirantes deberán cumprir algún dos requisitos seguintes:

- a) Estar en posesión do título de graduado ou graduada en educación secundaria obrigatoria.**
- b) Estar en posesión dun certificado de profesionalidade do mesmo nivel do módulo ou módulos formativos e/ou do certificado de profesionalidade a que desexa acceder.**



- c) Estar en posesión dun certificado de profesionalidade de nivel 1 da mesma familia e área profesional.**

- d) Cumprir o requisito académico de acceso aos ciclos formativos de grao medio, ou ben ter superado as correspondentes probas de acceso convocadas polas administracións educativas.**

- e) Ter superada a proba de acceso á universidade para maiores de 25 anos ou 45 anos.**

- f) Ter o certificado de apto nas competencias necesarias para acceder aos certificados de profesionalidade de nivel 2 de cualificación correspondente, a través da superación das probas de avaliación en competencias clave convocadas pola Consellería de Traballo e Benestar. Estarán exentas da realización destas probas as persoas que superasen con avaliación positiva accións formativas correspondentes a competencias clave que figuren no ficheiro de especialidades formativas do Servizo de Emprego Público Estatal.”**

Terán preferencia para participar neste proxecto as persoas que solicitasen este servizo a través da súa demanda de emprego e dentro destas, priorizarase a aquelas que teñan prevista a realización deste tipo de medidas no seu itinerario de inserción laboral. Ademais terán preferencia as persoas demandantes que teñan especiais dificultades de inserción no mercado de laboral, tales como emigrantes retornados, as mulleres en xeral, as mulleres vítimas de violencia, as persoas que esgotaron as prestacións e subsidios por desemprego, as persoas paradas de longa duración, as persoas maiores de corenta e cinco anos, as persoas que carecen de títulos universitarios e de F.P. de grao superior, as persoas con discapacidade sempre que poidan realizar os traballos e as persoas pertencentes a outros colectivos desfavorecidos ou en risco de exclusión social e que non participasen anteriormente nun obradoiro de emprego.

O Concello de Vilagarcía realizará a selección de entre a relación de persoas desempregadas remitidas pola oficina de emprego, mediante unas bases de



Concello de
Vilagarcía de Arousa
Concellería de Promoción Económica
ÁREA DE EMPREGO

Praza Ravela, 1
36600 Vilagarcía de Arousa
T 986 099 200 ext. 211 · F 986 501 109
CIF: P/3606000 B
emprego@vilagarcia.es · www.vilagarcia.es

selección á presentación da oferta na Oficina de Emprego, que serán publicadas na sede electrónica e taboleiro de anuncios do Concello de Vilagarcía e no taboleiro de anuncios da Oficina de Emprego.

As persoas interesadas en participar neste proxecto e que cumpran os requisitos que se establecen na Orde do 21 de febreiro de 2022 da Consellería de Promoción do Emprego e Igualdade, pola que se establecen as bases reguladoras das axudas e subvencións para os Obradoiros duais de emprego e os requisitos formativos específicos para as especialidades que vanse impartir neste obradoiro, **deberán dirixirse á OFICINA DE EMPREGO DO SERVIZO PÚBLICO DE EMPREGO E MANIFESTAR O SEU INTERESE EN PARTICIPAR EN DITO OBRADOIRO.**